

# Хүүхдэд зориулсан Библи танилцуулж байна

## Дөчин ЖИЛ



Зохиогч: Edward Hughes  
Зураглаач: Janie Forest

Орчуулсан: Damdin Horolsuren  
Найруулсан: Lyn Doerksen

Түүх 12/60

[www.M1914.org](http://www.M1914.org)

*Bible for Children, PO Box 3, Winnipeg, MB R3C 2G1 Canada*

Зөвшөөрөл: Та энэ бүтээлийг хувилах хуулах эрхтэй харин худалдахыг хориглоно.

Монгол хэл

Mongolian



Бурхан Израилийн ард түмнийг  
Египетээс авран гаргаснаас хойш Мосе  
тэднийг мөргөл хийхээр дагуулан явав.  
Тэр магтаалын дуу зохиов.




1



Мосе "Би ЭЗЭНд дуулья. Учир нь Тэр  
өндөрт өргөмжлөгджээ" хэмээн Бурхан  
Израилийн төлөө хийсэн бүх агуу  
зүйлсийг магтан дуулсаар явлаа.




2




Гурван өдөр аялсны дараа  
цангасан олон усан сан олжээ.  
Гэвч ус шорвог байсан тул  
тэд ус ууж чадсангүй. Тэд  
залбирахын оронд гомдоллов.

3




Бурхан бол энэрлээр дүүрэн  
билээ. Тэр тэдэнд зориулж  
сайн ус гаргаж өгөв.

4




Ард түмэн бүх зүйлд гомдоллож байв. Тэд "Бид  
Египетэд байхдаа хоол хүнсээр дутаагүй. Энэ  
цөлд бид өлсөж үхэх нь" хэмээн хашхирч байв.

5




Тэр орой Бурхан бөднө шувууг хоол  
болгон явуулав. Ард түмэн тэднийг  
амархан барьж байлаа.

6



Дараа өглөө нь Бурхан  
маннаг хоол болгон  
өгөв. Манна бол  
зөгийн балын амттай  
нэг төрлийн талх юм.

7




Өглөө бүр  
манна газрын  
хөрсөн дээр  
түүхэд бэлэн  
гарч ирдэг  
байв.

Цөлд ийм  
замаар Бурхан  
өөрийн  
хүмүүсийг  
тэжээж байлаа.


8

Тэд өглөө бүр Бурхан шинэ хоол хүнс гаргана хэмээн найддаг байлаа. Бурхан илүү хурааж авч болохгүй гэсэн ч зарим хүмүүс авах ёстой хэмжээнээсээ илүүг хураав.



9

Амралтын өдрийн өмнөх өдрөөс бусад өдөр илүү хурааж авсан манна өглөө болоход өтөөр дүүрдэг байв. Учир нь амралтын өдөр хүмүүс амрах ёстой тул өмнөх өдөр нь хангалттай хураадаг байв.



10

Бурхан цөлд Израйлийн ард түмнийг бүх талаар халамжилж байв.



11

Тэр уух ус, идэх хоолоор хангаж бас тэнийг дайснуудаас нь хамгаалж байв.

Амеллекчүүд дайрах үед Мосе Бурханы өгсөн савааг дээш өргөх тусам ялж байв.



12



13

Бурхан Израйлийн ард түмэнд "Хэрэв та нар миний дууг сонсож дуулгавартай дагавал миний онцгой ард түмэн болох болно" гэв. Ард түмэн Мосед "Бурханы айлдсан болгоныг бид дагах болно" гэлээ. Тэд Синай уулан дээр ирээд Мосе Бурхантай уулзахаар дээш гарав.



14

Мосе уулан дээр Бурхантай хамт дөчин өдөр байв. Бурхан түүнд арван хуулийг бичсэн хоёр чулуун хавтанг өгөв. Бурхан өөрийн хүмүүсээ хэрхэн амьдраасай гэж хүсэж буйгаа түүнд хэлэв.

1. "Та нар Надаас өөр Бурхантай байж болохгүй."

2. "Хиймэл шүтээнд бүү мөргө."

3. "Бурхан Эзэнийхээ нэрийг дэмий бүү дурд."

4. "Амралтын өдрийг ариунаар сахь."

5. "Эцэг эхээ хүндэл."

6. "Хүн бүү ал."

7. "Бүү завхайр."


8. "Бүү хулгай хий."

9. "Худлаа бүү хэл."

10. "Бүү шунхайр."

15

16



Синай ууланд Мосе Бурхантай ярилцаж байх хойгуур Израилийн ард түмэн нүгэл үйлдэв. Тэд Ааронд алтан тугал цутган хий гэж тушаагаад түүндээ Бурханы оронд мөргөл үйлджээ. Бурхан маш ихээр хилэгнэв. Мосе ч бас ихэд уурлав.

17



Мосе алтан тугал болон түүнийг тойрон бүжиглэж байсан хүмүүсийг хараад хууль бичсэн чулуун хавтанг газар шидэж хагалав. Мосе алтан хиймэл шүтээнийг ууртайгаар эвдэв. Бас үүнд мөргөл үйлдэж байсан хүмүүсийг алав.

18

Бурхан чулуун хавтанг дахин бэлдэн өгөв. Тэр Мосед том асар барьж тойруулан хашаа барь гээд тэнд би өөрийн хүмүүстэйгээ уулзах болно гэлээ. Тэд тэнд Бурханд зориулж мөргөл үйлддэг болжээ. Бурхан үүлэн багана болон галан баганаар өөрийн бууж ирснээ мэдэгддэг байлаа.



19

Тэд канаан нутагт дөхөж ирэхэд Мосе арван хоёр хүнийг туршуулаар Бурхан өөрийн хүмүүстээ амласан газрыг тагнуулахаар явуулжээ.



20

Туршуулууд бүгд сайхан газар байна гэсэн боловч тэднээс Иошуа болон Калеб гэгдэх хоёр хүн л энэ газрыг эзлэн авахад Бурхан туслах болно гэдэгт итгэж байлаа.




21

Бусад арван туршуул тэр газарт нутаглаж байсан том хүчтэй улсуудаас айж байв. Тэд "Бид энэ нутгийг эзэлж чадахгүй" хэмээн хашхирч байв.




22

Ард түмэн итгэл муутай арван туршуулыг үгэнд итгэв. Тэд уйлан Египет уруу буцахаар зэхэж байлаа. Тэд бас Мосег алах гэж оролдов.



23

Бурхан Мосег аварчээ. Тэгээд тэр ард түмэнд хандан "Дөчин жил та нар эргэлзсэн. Зөвхөн Калеб, Иошуа болон та нарын хүүхдүүд л тэр нутагт орох болно гэлээ."



24

Дөчин жил

Бурханы үг Библээс авсан түүх

Египетээс гарсан нь 15 ~ Тооллого 14

"Таны үгсийн тунхаглал гэгээрүүлдэг."

Дуулал 119:130

Бурхны гэм гэж нэрлэдэг муу зүйлийг бид хийдгийг Бурхан сайн мэднэ. Гэмийн шийтгэл нь үхэл юм.

Бурхан бидэнд маш их хайртай Тэрээр өөрийн хүү Есүсийг бидний гэмийн төлөөс болгон загалмайн үхэлд тушаасан. Есүс дахин амилж мөнхийн улсдаа буцсан! Одоо Бурхан бидний гэмийг уучилж чадна.

Хэрвээ та гэмээсээ эргэхийг хүсвэл, Бурханд хандан ийнхүү хэлээрэй: Бурхан минь ээ, Би Есүс миний төлөө үхээд дахин амилсан гэдэгт итгэж байна. Миний амьдралд орж ирээд миний гэмийг уучлаач тэгээд би шинэ амьдралаар амьдарч дараа нь тантай хамт мөнхөд амьдрах болно.

Таны хүүхэд шиг Таны төлөө амьдрахад туслаач.

Амен Иохан 3:16

Библи уншиж өдөр бүр Бурхантай ярилцаарай!